

suas ad Sardonam insulam, quæ Liburniæ adjacet, admovit. Arbam insulæ oppidum aliquandiu oppugnatum ad deditiōem compulit. Deditiō ea conditione facta est, ut traditis omnibus Veneti nominis cum Lodovico Contareno urbis Prætor & iis qui ab initio belli oppidum Venetis tradidere, reliqua civibus inoffensa manerent. Fuerant Arbenſes ad eam diem Veneti imperii studiosissimi, ac sæpius eo bello oppugnatione tentati, omnia extrema pati maluere, quam a Veneto imperio alienari. Chinatius, qui ultimum bellum Ligusticum diligentissime omnium, quos vidimus, scripsit, auctor est, diu nullum panis usum inter Arbenſes fuisse, ac lege cautum, ne quis panem nominaret: carnes & lacticia victum præbuisse. Tum vero atrocissimis oppugnationibus fracti, non quam ipsi facturi erant, sed quæ impetrari ab hoste potuit, deditiōnem fecere. Potiti oppido Genuenses, tribus triremibus ad præsidium relictis, classem inde continuo abduxere.

Hæc mari gerebantur: quum Taurisium Patavinus armis graviter urgere cœperat, duobus pontibus fluvio impositis, uno ad locum, cui Casali est nomen, altero propinquiore urbi loco, ubi Carrarius hostis tumultuario opere novam turrin erexerat. Habuit ille ab initio in animo, infestis aquis, quibus commeatus ex urbe quotidie Taurisinis subvehebantur, Venetum militem cum oppidanis fame domare. Erant Patavina castra circa turrin, unde assiduæ excursions ad portas usque fiebant. Vexabantur ad hæc qui in urbe erant, tormentis bellicis, quorum assidui casus omnia infesta civibus reddebant. In hoc statu res Veneta ad Taurisium erat. Pisanus interim, ad Jaderam classe admota, cœperat portum oppugnare: quum per exploratores est cognitum duodecim Ligusticas triremes nuper inde profectas in Appuliam frumentatum ivisse. Ea re audita, quanquam febre pene assidua gravaretur, in quam circa nonas Augusti inciderat, ne tamen in tanta occasione cessasse videretur, pergit Victor ex Jadera ad hostem ire: quem in Peligna ora adeptum, tenebræ quæ se sub primum certamen intenderant, e con-

1380  
*Ligur Arbenſes ad deditiōem compellit.*